

續修曲沃縣志

知縣 張鴻達

纂輯

署知縣 茅丕熙

列女

閨閣弱媛讀書有幾正氣挺生天只人口或沒或存芬人唇

齒志列女第二十八

賢淑 共六十三人

周

叔向母

羊舌職妻也子赤盼鮒國語叔魚生母視之曰是虎目而豕喙鵠肩而牛腹谿壑可盈是不可厭也必以賄死

遂弗視後受雍子女抑邢侯獄邢侯殺之左傳叔虎之母美而不使其子皆諫其母曰深山大澤實生龍蛇彼美余懼其生龍蛇以禍女女敝族也國多大寵不仁人間之不亦難乎余何愛焉往使視寢生叔虎美而有勇力樂懷子嬖之故羊舌氏之族及於難後叔向欲娶申公巫臣氏止之曰其母子靈之妻可無懲乎甚美必有甚惡是天鍾美於是將必以是大有敗也夫有尤物足以移人苟非德義則必有禍叔向懼不敢取平公強使娶之生子伯石其母將視之及堂聞其聲而還曰是豺狼之聲也狼子野心非是莫喪羊舌氏矣後黨於祁盈皆滅族

伯宗妻

伯宗朝以喜歸其妻曰子貌有喜何也曰吾言於朝諸大夫皆謂我智似陽子對曰陽子華而不實主言而無

謀是以難及其身子何喜焉伯宗曰吾飲諸大夫酒而與之語爾試聽之曰諾既飲其妻曰諸大夫莫子若也然而民不能戴其上久矣難必及子子盍亟索士憇庇州犁焉得畢陽及欒弗忌之難諸大夫害伯宗將謀而殺之畢陽實送州犁於荆

繁人妻

平公使繁人爲弓三年乃成公引之射不穿一札公怒將殺繁人其妻請見曰妾夫造弓爲之亦勞矣君不能

射反以殺之妾聞射之道左手如拒右手如附枝右手發之左手不知平公如其言射穿七札繁人得出賜金三鎰

范氏母

國語范氏母者范獻子之妻其三子遊於趙簡子乘馬園中園中多株問曰柰何其少子曰可以三悅使民簡

子從之少子歸伐其謀母嘆曰終滅范氏者必是子也夫伐功施勞鮮能布仁乘僞行詐鮮能久長後智伯滅范氏

曲沃負

大夫如耳母秦立魏公子政爲太子魏哀王使使爲太子納妃而美王將自納焉曲沃負聞之因欸王門而上

書王然其言賜三十鍾乃勤行自修勞來國家而齊楚強秦不敢加兵焉

元

文氏

封隴西郡侯李偉之妻諡忠肅謙亨母也事姑孝謹姑早寡晚邁末疾氏左右負掖朝暮無間卒成痾瘵後以子貴

封隴西

郡夫人

明

衛母

李氏華州尉宏嘉妻學生麟禎母賦性嚴凝慷慨識大節嘉亡麟禎幼督責不少貸居常訓禎以忠孝爲本流寇之亂偕禎隱絳山十餘年絳人師事禎其母妻師事母所居而化亂平歸沃後謂禎曰古人欲色養不欲祿養我不榮誰得而辱之我不貴誰得而賤之麟禎奉母教終身闢絳山書院教授生徒爲世名儒母歿麟禎易名蒿

國朝

張氏

進士霍邱令劉佐世妻舉人翰母適佐世翁姑已亡祖九旬餘弟三人俱幼佐世方浮沉諸生奔走名場氏俯仰交迫集蓼茹荼安焉任之佐世志其墓謂四十八年中事祖父撫子弟殯葬者八喪婚嫁者十五人公私營建者二百餘廈聞者稱爲內

行克備云

上官氏

南董任之樞妻樞繼伯學思後恩染癰疾氏奉飲食藥餌十餘年無倦色

趙氏

西城李永康妻姑韓氏久病卧牀褥康少貧業匠爲活不

不惜典衣物以佐歛具鄉人賢之

褚氏

小里張孔璧妻璧年二十八病痿痺家貧無可依氏紡績

楊氏

奉養歷三十五年不懈比歿朝夕上食如夫存人以爲難神泉解通元繼妻歸元時前子玫尙幼氏訓誨撫養不異所生時稱賢母

段氏

義門王子賓妻姑病醫云需指血入藥氏遂斷指瀝血和藥以進姑得愈邑令熊以愚孝可風表其門

許氏

東興里宋承山妻家貧紡織養姑姑性褊急動加捶楚氏受之怡然姑感其婉篤轉爲懽愛

張氏

平望柴譽妻譽與兄服賈遠方翁年老艱於步履氏左右奉持以姒多子女獨任其勞者十四年氏無子女撫姒之

子女如所生賢孝之稱溢於里黨

許氏

大里鴻臚寺主簿裴繡裳繼妻婉順有婦德事舅姑孝接娣姒和相夫子順御奴婢寬家素封布衣操作常以勤儉

先之其處妻媵尤有樛木小星之風族中丞率度以賢孝褒之孫志灝建坊于本莊西門內

楊氏

南莊李大業妻業客外訛傳已亡姑泣曰吾子亡吾將嚙

嚙以養姑壬申歲大飢氏茹糟糠而姑甘旨不少缺人以爲難

邢氏

史村王紀妻年八十子德和德玉欲稱觴爲壽氏曰吾家

素貧其敢以少裕遂事奢侈乎且今歲饑隣里日不舉炊者甚衆與爲妄費何若移以賑之乃發穀百餘石分給鄉人

王氏

望絳楊建妻翁來鳳嘗邁噎疾諸醫罔效乃割其股肉爲食以進翁遂愈更閱五年乃卒人咸以爲孝感

仇氏

南薰里許之瑾妻監生維辰母相夫以孝翁患癱症嗜肉食家貧不能常得氏典簪珥以佐朝夕未幾姑亦病癱氏

左右之歷十三年不懈邑令王表其門子婦文孝亦如之人以爲孝婦之報云

李氏

山下村李景賢繼妻歸未幾賢客遊翁姑老且病氏晝夜侍側問食飲奉湯藥滌廁膾入則婉容出則含涕既歿昏

旦哭柩前哀慟之聲人不忍聞前
子二俱幼恩勤撫恤不異所生

行氏

張少莊監生弟友白妻明於大義歸白後見夫兄弟共學
諷之曰親老矣盍理生計且使叔得專其業乎友白然其

言姑久病氏躬侍不少離既歿夫與叔偕亡氏泣撫二子以
一子其娣嚴督誦讀摒擋內外時稱賢婦健婦云

荀氏

鳳城馬全德妻性孝翁老而鰥氏事之能得其歡心後翁
病醫藥罔效氏割股肉以進遠近稱為孝婦

王氏

棘壁楊友楷妻諸生王傳女也氏生而聰慧義烈幼時父
舉古伯宗妻為訓詰伯宗孰殺之曰三卻則以其為妻殺

之知夫將及難而俟之可乎曰固嘗戒之矣戒之則何以死
曰不悛曰不悛盍以死繼之父驚其言既適楷相之以義養
生送死動中禮則歸四年而卒
里黨惜之邑人許齊燕為之傳

郭氏

東韓村王珙妻孀居獨守清貧自甘明大體好談節孝往
事鄉里稱為賢婦沃古城武宮遺址邑紳士倡建蟋蟀堂

識僖侯勤儉之風也度其地為氏業已質人氏欣然曰此彰
千古美德也何幸在我地遂贖其券以付公眾憫其貧予之

值辭曰柰何以愚婦例我其地名沃國春光爲邑中十景之一

秦氏

西周莊原正祥妻歸數載祥以飢驅絕踪既無子女又鮮伯叔祥之父母已就衰老氏黽勉操作以供晨昏舅憐其

苦取猶子爲嗣以佐之舅歿哀泣動路人垂三十餘年而祥之存亡終未卜也氏事姑爲尤謹云

郭氏

南莊米中義妻爲二胞弟贖身郭族佐夫貿易涇陽後夫亡子死弟昧其資數十金氏鳴於官追償立嗣施數百金

修汾隰流雲邑人重

其識無不憐而義之

郭氏

西城貢生李從敏妻性賢淑姑楊氏年老失明氏先意承志盡誠盡孝侍湯藥晝夜不懈者三年有餘姑臨終謂之

曰願婦後人皆如婦也後年近八

旬精神康健子婦熙熙鄉里賢之

賈氏

南薰里李正心妻舅歿正心兄弟四人方議鬻田以葬氏曰胡墮爾先業爲耶乃出其簪珥以襄大事其兄中翰賈

鳴璽聞之曰吾妹其有後於李

乎至今子孫振振世有令德

仇氏

監生李紹晟妻通經史解大義未出閣時在父江都主簿帝臣任所母病醫藥罔效氏刲股以療無一知者後育子

見疤痕跪固請

乃言聞者稱之

李氏

朔賢里翟居謙妻富於奩盡易供姑膳待孀姒有加禮撫孤姪如已出子四必翹必翹必狃皆登仕籍累

贈恭人人以爲

賢孝之報

賀氏

席村席搖妻十九歲夫亡事翁姑初終無少懈翁姑沒葬祭盡禮哀毀成疾尋卒鄉里賢之

薛氏

例貢生董哲妻識大義乏嗣力勸夫置妾連舉二子純緯哲沒二子俱幼氏爲延師訓迪多方誘掖純已入邑庠

王氏

監生許建修妻孝事翁姑姑病竭力奉養先意承志伺所欲而進之待妯娌先操作不辭勞瘁卒年四十四子乘時

許氏

增生李棟材妻年及笄歸李家素貧脫簪珥以奉甘旨舅姑病侍湯藥衣不解帶者數越月子四皆庠生代州馮西

曹兆响以孝賢

不著表其間

王氏

舉人賈握瑜妻歸瑜五年無子即勸夫置妾瑜赴禮部議適翁邁劇疾氏躬侍湯藥百計調護衣不解帶者彌月翁

賴以安侄失恃

氏撫之如已出

衛氏

楊莊楊正梧繼妻年十七歸于楊時翁姑皆近八旬翁患泄姑患腿疾氏一身兼侍晝夜無間凡污穢褊謁悉自爲

浣濯垂二十年翁姑相繼沒氏以悲

痛成疾尋卒年三十八鄉里稱其孝

常氏

上院村韓鴻儒妻年十五歸韓韓素貧無尺寸土且外出氏以女紅奉翁姑甘旨不缺鴻儒客死氏年二十八無子

女後翁姑相繼沒喪葬悉氏竭蹶

爲之積勞成廢疾尋卒鄉里傷之

嚴氏

南莊李希聖妻夫服賈遠遊氏事舅姑以孝聞後舅病不食者累日忽一夕索肉食甚急倉卒無所得氏遂刲股進

之舅尋愈人以

爲孝心所感云

馬氏

南莊李幼學妻李故莊簡公後時族人因辦祀事以幼學貧議免之氏曰渠獨非李氏子耶無何幼學死遺孤一歲

亦死氏抱栗主泣曰天乎李氏長房竟至此乎我婆也一日不死一日祀事不敢怠蓋織紡以供祠祀者垂四十年

王氏

下營村張聖和妻和卒子彌月家且貧非績紡弗得食氏守義撫孤性溫惠以婦道訓鄉里年八十九歿

衛氏

東山底李景雍妻雍目瞽氏操持家務無異男子先是東明德村有段克忠者七歲而丐氏收養之垂二十年爲娶婦焉後克忠欲歸其家氏曰汝固貧能聊生乎爲出資經紀尤時存問氏母家有姪幼失怙恃氏撫育十餘年俾之成立里閭咸以巾幗丈夫目之嗣子監生繼冊

上官氏

大李莊郭天章妻育一男一女皆幼天章服賈外出四十餘年乏音耗氏孤苦無依以紡織糊口教養子女以

婚以嫁年七

十而卒子勲

李氏

白塚村貢生傅之琬妻好行其德慷慨有丈夫風嘗捐二百四十金爲村人修天池乾隆四十九年孫曰莢等欲製錦爲壽氏曰與其靡無益之費不如周恤里黨之爲愈也計其費糴米數十石分給貧乏村人德之

周氏

南上官村州同職邊思德繼妻夫患疾手不能舒醫藥罔效氏聞指血可療遂斷指瀝血入藥病旋愈

袁氏

西上官村王凌雲妻舅病醫藥無靈氏割股肉奉之朝進夕病若失人以爲賢孝之感

薛氏

南上官村王純義繼妻同治丁卯拾匪擾境村人多藏地洞內有怨家謂婦知洞口拷掠幾死終不告洞人得以全

活村人德之

馬氏

在城監生衛伯熊妾事嫡如姑數十年無反目嫌嫡沒事夫愈敬夫歿以嫡婦王氏早寡處之如妯娒待次子巨川

如已出氏生子靈川癸丑殉難撫孫成立壽七十餘而卒

劉氏

西楊柳村楊繼震妻夫故子女俱無邑重建城隍廟氏捐施房屋一座癸丑之變氏住母家以母患目疾不離左右

母沒氏日食黍米者三年

鄭氏

西史里侯選訓導楊炳元妻受聘後姑病甚危氏父告女曰娶婦原爲奉親汝姑病草矣曷早往事之乎氏含涕受

命父遂送往夫家氏奉湯藥無少懈姑性嚴氏承順無拂姑歿事舅益謹賢孝之稱鄉里無間焉

常氏

聽城大賓楊向榮妻嘗積穀備荒道光丁未饑巷有乏食者六十餘人令子咸貢龍文按口月給糧一斗連給三月

李氏

里村柴繼承妻咸豐庚申歲歉捐銀百兩賑濟村眾鄉人德之壽七十餘而卒

鄭氏

楊談村鞏錫榮繼妻榮宦遊氏操家政族中無力婚葬者輒出資以成之光緒丁丑饑氏不惜資財且典衣物以賑

鄰里

曹氏

議叙按察司知事王恩鉅妻二十二歲守節姑病醫藥罔效氏割股進食病漸以愈越數年人始知之

陳氏

吉祥村何其瀧妻嫁未一月龍服賈西秦絕音傳爲賊戕父母憐氏少勸改適氏矢志靡他斷歸省者數年後因父病歸見醫藥罔效遂割股肉以進家淡泊茹荼自甘撫育二

姪

如已出

仇氏

南薰里監生衛碩曾妻幼嫻姆訓好讀書睹記甚富能爲古今體詩兼閱岐黃鍼術極精且善繪事閨秀從學者甚

多夫沒勤儉自勵事孀姑三十餘年不少懈姑歿葬祭如禮皆出自十指晚年尤善兒科鍼砭應手效以故襁負求醫者日十餘輩年

七十六卒

李氏

東城村解增壽繼妻家故貧氏躬親紡績前子榮光患瘋癲氏朝夕默禱百方療治生子德光甫逾十歲卽命貿易

山左夫沒二十餘年平居不出閫外丁丑大祲氏以鍼帶自給妯娌乏食者無不量力資助之

秦氏

西通里歲貢閭郁文妻枝江縣尹秦武域女也生長宦族于歸寒儒欲夫以功名顯揚恒典簪珥以佐讀由儉趨勤

謹守閫範夫病齋食

數年無疾而卒

傅氏

常家院常聯鑣妻白塚村傅泰來女也母家素豐後漸落氏恐父年老缺供歲助數百金以贍其用後以往返不便

迎至夫家侍養終父身丁丑歲祲出粟三十餘石散賑村人賴以全活者甚衆

席氏

張少村王爾璧繼妻年十九適璧次年璧沒子亦殤氏撤環瑱理家政井臼躬操量入爲出丁丑歲祲令姪及諸孫

就食豫省姪婦暨孫男女十餘口獨力奉養質釧鬻衣繼以稱貸雖日咽糠粃合家賴以保全

陳氏

寄居大里樊嘉樂妻丁丑饑語夫曰家糧不盈石延時能幾男子當見幾而作勿爲妻子累夫然之氏自夫去後扃戶不出逾年夫歸斷鍵入室氏覆被疆卧藏箱笥鑰於衣底而積粟塵封如故聞者以爲守粟甘死留有餘以備夫需其所慮深矣

王氏

上官村翰林待詔邊聞賢繼妻生員宗道母也事姑有孝稱姑病左右奉侍不遑寢食者數月姑沒夫適病氏佐以治喪盡哀盡禮未幾夫歿氏痛欲身殉親族婉爲勸慰氏亦若稍節哀者然捫舌緘口如有所失之狀未逾月而亦卒

柴氏

南郭馬村王德懋妻素性淡泊孀居後自奉尤儉然施濟無吝道光丙午饑出所積穀百餘石散賑不足益以糴全

活者交稱德焉

卷之四

四

四

四

貞烈 共四百八十五人

明 一十八人

張氏

南莊贈鴻臚寺序班李洪妻洪早卒遺孤金方七月氏撫之誓不他適母欲奪其志遂絕粒死事聞旌表學士孫紹

先有碑記後金官宜

君縣知縣祀節孝

常俊俊

豪城里常銘女正德六年爲流賊所執義不受辱投井死邑令葛嶮立亭伐石紀之

鞏寶梅

其母夢梅而生故名年十六字人未嫁值父母於田梅獨處室有强暴踰垣入將逼之梅持刀以拒得免父母

歸梅告以故誓不欲生父母止之梅

日兒身雖完能信鄉隣乎竟白縊

張氏

賈懷禮妻夫亡矢殉家人守之稍懈自經柩前邑令何襲烈婦傳並視辭率僚屬及緡紳弔之事聞詔建坊旌其閭

祀節

孝